

《秋晴城門河早行》

*明澤

秋晴城門河早行

秋日陽和秋水盈，[1]
林花半落草猶青。
斑鳩驚起疑人近，
百鳥爭鳴悅日晴。[2]
閒坐漁翁怡釣樂，
悠遊行者歎風清。
無窮天宇多生趣，
倍惜年華莫役營。[3][4]

城門河畔（2010年10月14日）

*韓德志，字明澤。

作者自註：

[1] 陽和：日暖，似陽春般和暖也。俗稱陰曆十月為小陽春，以是時天氣較為和暖也。香港地處嶺南之南，天氣更加和暖，深秋晴日卻似陽春三月也。秋水盈：城門河水充盈貌。城門河水來自大埔吐露港，當漲潮時，滾滾潮水就浩浩蕩蕩向南流入城門河，使之“水漲河面寬”也。

[2] 悅日晴：常建《破山寺後禪院》：“山光悅鳥性，潭影空人心”。

[3] 倍惜年華：王維《晚春嚴少尹與諸公見過》：“自憐黃髮暮，一倍惜年華。”年華：年歲、年光。年華易逝，似水流年。古人習稱人生為“浮生”，勸人珍惜。如古詩十九首《生年不滿百》：“生年不滿百，常懷千歲憂。晝短苦夜長，何不秉燭遊！為樂當及時，何能待來茲？愚者愛惜費，但為後世嗤。仙人王子喬，難可與等期。”再如李白《春夜宴從弟桃李園序》：“夫天地者，萬物之逆旅；光陰者，百代之過客。而浮生若夢，為歡幾何？古人秉燭夜遊，良有以也。”

[4] 役營：營營役役。役：為人役使；出勞力。營：謀求。